



Bastia
CITÀ DI CULTURA

**Extrait du registre des délibérations du
Conseil municipal de la Ville de Bastia du jeudi 2 octobre 2025**

Muzione

Objet : Mantenimentu di e dispusizione in fatti d'indennizazione di a vacanza di malatia urdinaria 100 %

Data di a convucazione : u 26 di sittembre 2025

Data di l'affissera di a convucazione : u 26 di sittembre 2025

L'annu duiemillavinticinque, u duie di ottobre à 5 ore è mezu di sera, u CUNSIGLIU MUNICIPALE di Bastia s'hè adunitu in Merria di Bastia, in seduta urdinaria, sott'à a presidenza di u Signore Pierre SAVELLI.

Nùmeru di quelli chì cumpunianu l'assemblea : 42

Nùmeru di quelli in exerciziu : 42

Quorum : 22

Nùmeru di quelli presenti : 25

U quorum accimatu, l'assemblea pò deliberà

Eranu presenti: Monsieur SAVELLI Pierre ; Madame DE GENTILI Emmanuelle ; Madame LACAVE Mattea ; Monsieur TIERI Paul ; Madame PIPERI Linda ; Monsieur GRASSI Didier ; Madame VIVARELLI-MARI Jérôme ; Madame POLISINI Ivana ; Monsieur PERETTI Philippe ; Madame ORSINI SAULI Laura ; Monsieur LUCCIONI Don Petru ; Monsieur DASSIBAT Franck ; Monsieur DEL MORO Alain ; Monsieur FABIANI François ; Monsieur GRAZIANI Antoine ; Monsieur LINALE Serge ; Madame MANGANO Angelina ; Madame MATTEI Mathilde ; Madame PELLEGRINI Leslie ; Monsieur PIERI Pierre ; Monsieur ROMITI Gérard ; Madame TIMSIT Christelle ; Monsieur PAOLI Jean François ; Monsieur MORGANTI Julien.

Ùn eranu micca quì : Monsieur MILANI Jean-Louis ; Madame CARRIER Marie-Dominique ; Madame COLOMBANI Carulina ; Monsieur DE ZERBI Alexandre ; Madame PASQUALINI-D'ULIVO Marie-Pierre ; Madame BELGODERE Danièle ; Madame GRAZIANI-SANCIU Livia ; Monsieur MONDOLONI Jean-Martin ; Monsieur TATTI François ; Madame VESPERINI Françoise.

Anu datu putere :

Monsieur SIMEONI Gilles à Monsieur SAVELLI Pierre ;
Monsieur DALCOLETTI François à Madame MATTEI Mathilde ;
Madame FILIPPI Françoise à Madame LACAVE Mattea ;
Madame GUIDICELLI-SBRAGGIA Lauda à Monsieur TIERI Paul ;
Madame LUCIANI Emmanuelle à Madame MANGANO Angelina ;
Madame ALBERTELLI Viviane à Monsieur MORGANTI Julien.

U Signore Pierre Savelli apre a seduta è invita u Cunsigliu à designà u so segretariu ;
U Signore Paul Tieri hè elettu segretariu è piglia locu à a scrivania

U cunsigliu municipale,

Vistu u Còdice generale di e cullettività territoriale ;

Vistu u Còdice generale di a funzione pùblica ;

Vistu a Lege n° 2025-127 di u 14 di ferraghju 2025 di Finanze per u 2025 ;

Vistu u Decretu n° 2025-197 di u 27 di ferraghju 2025 relativu à e règule di a remunerazione di certi agenti pùblichì messi in vacanza di malatia urdinaria o in cunghediu di malatia ;

Cunsiderendu chì l'articulu 189 di a Lege di e finanze per u 2025 hà mudificatu e dispusizione in fatti di remunerazione di u cunghediu di malatia urdinaria di i funziunarii è di l'agenti cuntrattuali di e cullettività previsti da l'articulu L822-3 di u Còdice generale di a funzione pùblica, riducendu u trattamentu da 100 % à 90 % dipoi u 1u di marzu di u 2025 ;

Cunsiderendu chì isse dispusizione nove anu per cunsequenze une remunerazione chì cala à 90 % di u trattamentu di l'agente in malatia urdinaria durenti 3 mesi, eppo a metà di u so trattamentu durenti i 9 mesi seguenti ;

Cunsiderendu chì quella misura hà cagiunatu reazione negative da a parte di l'urrganizazione sindacale in Corsica è ancu à u livellu francese, chì palèsanu una sgradazione di i diritti di l'agenti pùblichì ;

Cunsiderendu chì l'inchietudine sò dinù sprimate in quant'à l'impattu nant'à u putere di compra di l'agenti ;

Cunsiderendu chì cù 18,3 % di a popolazione chì campa sottu à u sogliu di puvertà, cunnosce a Corsica u percentuale di puvertà u più altu di Francia metropolitana è « l'intesnià » di a puvertà hè dinù più forte nant'à l'isula, chì stu percentuale tocca i 20% in Cismonte è 23% in Bastia segundu l'INSEE ;

Cunsiderendu chì a Cità di Bastia impiega 753 agenti chì 80% di l'agenti sò in categoria C ;

Cunsiderendu chì ste misure nove inghjènnanu una doppia pena per l'agenti isulani malati, chì sò à spessu ubligati à curassi for di Corsica è d'assume una parte di u costu di e so cure ;

Dopu avè intesu u raportu di u Sgiò Merre,

Dopu avè deliberatu,

U cunsigliu municipale,

A l'unanimità

Article 1 :

- **Accerta** chì l'appiegazione di l'articulu 189 di a Lege di e finanze per u 2025 chì hà mudificatu e dispusizione in fatti di paga di u cunghediu di malatia urdinaria di i funziunarii è di l'agenti cuntrattuali di e cullettività fendu calà u trattamentu da 100% à 90% dipoi u 1u di marzu 2025, impeghjurisce a situazione digià critica di a Corsica in fatti di puvertà è di

precarità è tuccherà di siguru u putere di compra di l'agenti territoriali di Corsica, chì u costu di a vita tocca i livelli i più alti di Francia ;

Article 2 :

- **Accerta** chì a situazione di precarità in Corsica giustifichighja un'adattamento di e dispusizione in fatti di paga di u cunghediu di malatia urdinaria di i funziunarii è i l'agenti cuntrattuali di l'isula.

Article 3 :

- **Dumanda** chì isse dispusizione nove ùn sianu micca appiegate in Corsica, da mantene un trattamentu à 100 % in casu di cunghediu di malatia urdinaria per l'agenti di a funzione pùblica territoriale;

Article 4 :

- **Dà mandatu** à u Merre di Bastia da ch'ellu fessi tutte e dimarchje necessarie da fà valè quessa a dumanda appressu à i rapresentanti di u Guvernu è di u Parlamentu.

U segretariu di seduta,

U Merre,

Signé électroniquement le 09/10/2025

Signé électroniquement le 07/10/2025

Paul TIERI

Pierre SAVELLI

In cunfurmità cù l'articulu R 421-1 di u Còdice di ghjustizia amministrativa, hè rammintatu chì a deliberazione presente pò fà l'oggettu di un ricorsu à u cuntenziosu davanti à u Tribunale amministrativu di Bastia rispettendu dui mesi à partesi da a so misura di publicità. U Tribunale Amministrativu di Bastia pò esse agguantatu via l'appiegazione « Télérecours citoyens », accessible dipoi l'indirizzu: www.telerecours.fr. A deliberazione presente ferà l'oggettu d'una publicazione à a raccolta di l'atti amministrativi di a cumuna è d'una publicazione nantu à u situ di a Merria.